

**2ª SESSIONE STRAORDINARIA DI U 2017**

**1<sup>u</sup> è 2 DI GHJUGNU**

**N° 2017/E2/027**

**DUMANDA URALE FATTA DA U SGIÒ Cristofanu CANIONI  
(NON ISCRITTU)**

**OGETTU : L'avvene di a CORSSAD.**

A mo dumanda sarà corta à bastanza. Riguarda l'associu a CORSSAD. U 16 di ferraghju scorsu, a CORSSAD, chì t'hà a so sede in Bastia, hè stata messa in adirizzà ghjudiziaru cù un passivu impurtante. Ramintemu chì issu associu era statu messu sottu inchiesta da u polu ecuomicu è finanziariu di Bastia per via di malversazione stalvate in a so direzione. Sò state prununziate e cundannazione. Òn aghju da entre in i particulari di u prucessu, òn si tratta di quessa in a mo dumanda. A CORSSAD hè stata creata in u 1971 da Petru BOCOgnano. Da tandu, pè a Corsica sana è cù e so 10 antenne in Cismonte è Pumonti, assicureghja un serviziu di qualità in u campu di l'aiutu à dumiciliu. Impiega 400 salariati, a sapete, è quessi anu sempre avutu u penseru di u travagliu fattu cum'ellu ci vole. L'associu oghje hè in una crisa grave chì u pò ancu fà sparì. Di u scorsu decembre i so salariati avianu palisatu quant'elli eranu inchieti in quantu à l'avvene di u so associu è u so travagliu. U 3 di maghju scorsu era a data limite da deposità i cartulari di candidature pè a ripresa di a CORSSAD. Sò stati 7 i candidati pè issa ripresa –è trà quessi sucetà di cumerciu- à fà si cunnosce pressu u Tribunale di Grande Istanza di Bastia, ghjuridizione cumpetente da decide di l'avvene di l'associu. Eccu a mo dumanda o Sgiò Presidente. Da salvà l'impiegu locale, cun dinù issa bella struttura creata 40 anni fà, chì mezi t'averà a CTC da francà si u periculu chì a CORSSAD caschessi in manu à sucetà chì i so ogettivi di rentabilità tutti u cunnoscenu, è po ci hè un risicu di un disgrastu suciale chì si sà d'anticipu?.

À ringrazià vi, o Sgiò Presidente!